

程



靈臺秘苑卷之十一

東方七宿

角宿

亢宿

氏宿

房宿鈞鈴附

心宿

尾宿神官附

箕宿

北方七宿

斗宿

牛宿

女宿

虛宿

危宿

室宿離宮附 壁宿

角距南星去極九十七度半明大則太平微小不明王道失政動搖移徙為行乖月中道民安歲美無兵犯則大人憂有獄事木星犯之多疫守則政急臣戮歲飢火星犯之有



兵及赦貴臣有憂居而環繞勾已有芒如劍刃戒辛守則為戰  
宮中防盜纔臣進政急帛貴土星守后喜穀傷潤澤則為歲  
熟犯之有不臣守亦為兵火金星犯守天下大戰道路不通  
水星守之萬物不成刑急水灾又守為大水芒守之色青  
憂赤旱白喪黑水客星守犯大早有赦富民貧訟獄  
多彗孛干犯兩角間色白有喪兵起不戰赤則  
戰所至則有破軍 侵城彗則占其所指彗孛出  
之人亂王者惡之后黨恣赤為飢流星出入兩  
角間皆大使出入若抵而角不動 臣欲戮死  
氣之入蒼青比日憂疾赤國驚有戰黃則貴人

親伺白戰不勝黑入右角亦然氣如刃劍出角間  
禁官有陰謀

亢宿距南第二星去極九十六度明大則臣民無疾臣  
納天下安暗則政弱月犯之大人多疾有不臣將軍亡  
旗鼓其分將死亡地在其宿有變常省刑木星犯  
之臣為亂佞臣用有德禾稼熟守則歲飢小兵三  
十日以上有赦國豐又守人多病火星守天子惡多旱  
穀不成土功興兵火起又守則民憂犯則亂臣起人多疾  
若有芒角大人忌之及白衣會居而勾已環繞宮室  
不安土星干犯臣有謀侯侯失土守則為兵疫犯守之



又為穀傷民飢金星犯守君自將兵犯而芒角貴臣戮水星守則其分米貴盜賊相惡犯及守水災其分疫客彗守干犯國不安兵起政亂客星出有使出守則穀傷色赤夏旱彗守出兵喪飢疫水災穀不成流星出之寬恩清獄入則幸臣自殺外使來雨水調五穀豐犯之府庫憂氣之入蒼青民疫白瘡赤則廊廟有兵黃土功興黑水災

氐宿距西南星去極一百四度半明大則臣奉法度君安民無度則君失勢暗則臣不奉法而有謀徭役起月干犯兵起將憂犯而有變盜賊興入之兵動木星犯之蝗虫生萬物不成入則有赦環繞而留其分有兵

則年豐立后有喜火星干犯多水災若成巳大人憂天子惡之成勾巳亦然或有赦久守六十日亦赦若入之宮中慎火賊臣有謀土星犯之其分地亡守之有德令土功興太后皇太子喜歲安色赤為疫四夷不順在其宿光大黃潤后有喜或女暴貴金星守犯徭役興君憂兵起有兵兵罷守右為其下飢將受封犯又為即將誅若有芒角兵喪地亡入則霜不時春糴貴人疫水星入之貴臣憂法官入獄歲旱不收守則兵起多惡風水旱萬物不成若乘左星天子將兵右星則大水兵起客星出之黃白有赦犯乃其分憂水守有



德令布帛羊貴穀不登邊兵暴起后宮亂入之邊臣  
獻女入中而散中外不通大臣恣禁字干犯之有赦犯  
之為臣有謀人主惡之糴責入之后宮暴兵起流星  
出使宣布德令犯則藏書官有入之后宮暴喜國相  
疾病飢色赤黑后宮不安白則有失氣之入倉白有  
大疫赤內兵起黃白土功興白而不散后宮憂黑為水  
房宿鈞鈴房距南第二星去極一百一十四度半明大則君  
明臣忠天下大平暗則臣亂政去道不行動外則財  
寶出動內則財寶入七之占行中道則主壽長天下  
豐平由陽道為旱喪由陰道為水兵月在其宿有  
變名寶駟馬出時令不順月五星犯守皆為將相  
憂又曰木犯之歲豐民安有德令豫州有灾守則大赦  
天下和平入則成勾己天子惡之良馬出火星干犯將  
軍亂王者憂占色青喪赤兵白芒角為火黑將相死  
若犯而色怒芒角大兵起改正朔秦燕趙代憂守則更  
政有德令臣亂兵起守而勾己環繞天子不安其居上星  
犯守有喜或赦成勾己相凶犯之又為后憂守之為地動  
兵早立后土功興宮室數移金星干犯君有憂占其色  
青及白而芒角皆喪赤兵黑將相死守之土功起帛  
貴將相失位又守為飢入房十日成勾己天子憂以



赦解之水星干犯為殃犯而留守為水入而成勾己占如  
金守則大臣乖人為憂滂胡兵起而散客彗字干犯之  
國空民飢彗字又為失德臣有謀兵起世亂有德令馬貴  
流星出之恤民有德令犯衡為水災抵乃將相出鎮入則  
大臣入賀國昌或為喪入而蛇曲輔臣亡氣之入將相憂  
赤則宮中亂若入波宮中火災出之有兵黃諸侯來貢  
赤黃潤澤國寶出黑貫入其間諸侯有使來黑出之宮中  
憂有雲如人形入后妃有子鈎鈴距東星去極一百九度  
半入房二度半明則王者至孝近房則人心同不則反  
是其間有星踈折則地動河清月火金犯之王者憂  
月又為車駕行食則將死木守為飢相去二寸王者  
失政近臣起亂火守有德令土守則失土水乃地震山  
崩客彗字干犯官庭失禁流星入之兵散

心宿距前兩星去極一百一十四度半若天下有變心星  
不見大而赤明德服天下暗小失色微弱不明及  
動搖變黑大人憂之則王失勢芒角而動搖兵起  
離則人流前星不明太子不得立後星明庶子比目光  
明赤黃各有慶月犯之大臣憂犯中央星人主有憂  
太子庶子星各以所主為憂在其宿有變大將易刑  
罰失中木星犯乘之歲豐平久守臣有謀火星干



犯大人兇物不成民流土功興火犯守則地動王者忌  
之勾已環繞火災甚土星干犯旱飢民流疫大赦守  
之大平大人有慶益地又為土功若行成勾已環  
環其地亂金星犯守兵興糴貴殃在貴人守則為  
臣叛其分憂水星犯守大水布帛貴內犯明堂則大  
人當之在陽為燕在陰為胡不見地動大雨又曰犯則兵  
旱民勞守乃盜賊賦役興客彗孛犯守大臣有謀天子憂  
客星出之君使人於諸侯犯之修飭臺榭守之飢喪火災土  
功又曰彗孛犯守出兵喪民飢蝗起大臣下有謀流星  
出之遣使賜邊也犯抵大臣相賊人則王者憂  
及外國使來青色主憂赤兵黃喜及土功興自喪黑  
兇青氣出之天子使人之諸侯亦入之有立王黃則子孫喜  
前星則天子受賜庶子亦如之白入之亂臣在側蒼白及黑  
各以所主憂尾宿神宮尾距西第二星去極一百二十七度  
半色欲均明大小相承則后宮有嗣子孫蕃昌五谷豐登  
微暗后有憂五谷傷動搖則君臣乖天下亂聚有水失踈  
遠后失勢月犯之君臣不用和貴威憂其地將死若有  
變后宮子孫不安木星犯之燕地飢守之水旱又曰犯守  
皆為糴貴守三十日以上立后或生太子守而  
成勾已女后憂之火土犯守占同又曰妄為夫人



火又守多妖祥后妃恐土守及犯黃色皇后有喜守而芒  
角動搖易政兵起金大千犯民憂留守之后妃宮嬪或  
貴相憂又為兵起守其分水星犯之天下水江河決守  
之亦為水又曰下賤易貴民疫后宮憂客星出大風水災  
後宮惡之兵革罷弊民飢死守犯則女暴貴彗守干  
犯后妃貴臣憂兵起宮門流星出入風雨時稼穡成出  
則為使人于諸侯后宮喜入則及是一日出則有子孫  
慶入則后族進祿抵之后妃有喪氣之入蒼則舊臣  
來赤則諸侯客至青則外國降白則大臣在殊方歆  
歸青氣出為亂蒼則臣亡

神宮去極一百二十七度半入尾半度占與尾宿同

箕宿拒西北星去極一百二十一度半星明大則歲豐國

無讒佞不明則歲儉微細就聚天下憂動則蠻夷使

來口舌動不出三日有大風雨離徒則民流宿中星衆

則天下安少則反是而糴貴月犯之旱風占如上將軍死

如中亦然又曰女后憂干政法令酷在其宿有變暴風

作雨失行離之則為風凡月犯箕壁翼軫皆風起木

星犯守旱飢多惡風入之宮中口舌火星入旱灾人主

惡之守之亦然又為政急地動燕地君長病犯則東

夷燕人疫死環繞勾已大臣誅土星犯守女后憂守



則又為兵喪蝗蟲土功興后責人大喜金犯之后喜守則  
兵疫旱風水星犯之河溢守而動色青臣自戮犯守  
之又為大旱不成物凡土星犯守若入中水星犯之皆  
為散客星出之大飢大臣有見棄者宮人出入之多  
風雨宮女不安外使來民流土功興北夷飢棺木貴守  
之土功興秋冬水災彗孛出犯守為夷狄作亂大旱兵起  
流星出之宮人有黜者交對抵之宮人不安入乃有風雨若  
色黃為大臣出使蠻夷來氣之人蒼白黃蠻夷入入貢及美  
女之喜黑色則官人多死氣之出蒼白國灾除青則言其  
分不爾四夷來降黃則使出

斗宿距西第三星去極一百一十九度星明則太平而  
主壽不明失次芒角動搖則國失忠臣民多怨兵起  
暗而離折君臣俱月犯風雨不時臣將出不則死女后  
憂在其宿有變臣更主令又為亦相近臣死入魁大臣太  
子辱守宮中有賊一歲三入有赦木星入犯守皆為赦  
犯則又為大臣有逆謀守乃同占又曰大臣受封經其  
宿得度而色光明潤澤國昌歲豐若有變色失行其分  
憂火星守犯丞相有事有赦破軍殺將道路不通多火災  
暴兵作守之為賊亂及兵灾旱火糴貴若又守之災甚入  
之內外有謀兵分兵起土星犯守先水後旱又曰守之國



多義士大臣有點守又其分獲福或臣動入中貴人將  
士死金星犯守爲兵又日守則叛臣戮入乃天下受  
爵祿將相黜或有逆謀或外國使來水星犯守入之大  
臣有謀其分兵饑守則斧鉞用水星災殺傷客彗守干  
犯王者有病諸侯不通下謀上易政客星出使人之諸  
侯色青爲憂赤兵黃土功白喪黑凶入則外國來降獄  
官有疾五穀不成民相攻多盜諸侯謀宮廟火及兵憂  
犯則其下必亂守則盜興五穀傷彗守出入臣下謀亂  
圖議其分亂流星出之則赦使出色或如火色炸之皆  
大臣死入則蠻夷來貢大臣來賀犯則宰相憂氣  
使之諸侯

之入蒼白多風赤則旱或兵宮廟憂火白爲水黑則官  
廟有憂若掩主病宜赦解黃白潤澤諸侯客來朝出則  
使諸侯  
牛宿距中大星去極一百八度半星明則王道昌閔梁  
通或牛貴怒則馬貴不明失常穀不登直則糴殘曲則  
糴貴其占牛則細爲賤動爲賊災亡及中星移爲死遠  
漢爲入漢中及月犯其下有憂將死牛馬死及穀貴犧  
牲災在其宿有變犧牲四足蟲疫關梁不通將有農令  
木星午犯吳越來貢入則貴人及小兒多死歲多寒臣  
有謀民饑虎害人守則陰陽不和萬物不成民病死六



畜牛疫火星犯守諸侯多疾破軍殺將臣有謀一云守  
又爲兵起牛車用將死牛貴有犧牲事臣叛穀不收大  
人疾入牛中四月越地君長凶糴貴土星犯守有土功事  
守則又爲大赦多雨雪人民牛馬多其分多忠臣義士  
天下有急令金星犯守諸侯不通妖言無道又曰將  
軍失衆其分凶守則地氣泄成中人多死入之天下失  
車用水星相犯守敗軍殺將臣有謀人多死又爲穀  
不收關梁不通又爲牛疫多水其分憂客星分之有犧  
牲事守之越地兵起又爲有來獻犀象者又曰牛馬貴江  
海多盜歲多水入之諸侯客來出則占如斗又地動牛馬貴  
倍彗孛出之改元糴貴牛死一云天下合謀人主客彗  
孛干犯越地兵起自攻流星出之色將出如星所之以四  
方入之將受命黑色牛馬疫黃則牛昌盛黃白牛蕃息  
赤爲兵關梁不通干犯則王欲改事及將出氣之人牛  
多疫黑死

女宿距西南星去極一百四度半星明則民豐國富女  
工昌暗則上國虛動則有嫁娶出納裁制之事月  
犯之女子多疾及女或犯而有變布帛改易貴賤一日有  
女令一白月變須女有嫁娶事兵不戰而降木星  
犯美女進后妃喜宮中有進守則國有女喜歲多



水糴貴民有水災其分饑喪人多凍死火星犯國多妖祥  
大臣當之守又為女喪民病政急后病官中大災布帛貴入  
有如之又為天子納女土星犯守人民相惡有女喪又為后  
喜且專政賤者暴貴山林壞廬多妖女及土功入之君  
有喜金星犯之布帛貴兵起入之有女謀金帛出女多  
寡守同占又為嫁娶事水星犯為嫁娶事不爾外國  
進美女或為水災帛度又守之后夫子憂客星干犯有亂守  
則糴貴宮人憂又曰犯守姜女進暴貴及兵起出入皆為兵起出入  
皆為嫁娶事彗孛出入王者惡之其下憂干犯則占客星  
流星出之女御為使犯之則天子納女抵之貴女下獄又  
出色赤妾死黑女工多若潤澤為天子后納氣之入黃  
則女后有慶黃白有嫁女事赤兵死白疾黑喪皆占婦人  
虛宿距南星去極有度半靜而明天下安不明則旱  
搖動井田之法及死喪歌斜上下不比享祀失禮  
月犯兵起有陵廟事空邑復起其分憂將死在其  
宿有土功作外軍饑木星犯圍乘守宰相凶有德令  
犯又為王者惡之天下飢火星干犯流血滿野守則  
叛旱災萬物不成女子多厄有土功兵火起入而  
勾己大人憂戰不勝又守之七月齊分君災憂則  
不相凶土星犯守有赦德令行又為風雨不時旱風



來糴貴大臣為亂人不安多妖言金星干犯為喪政  
急芒有角臣有謀人守犯之有兵不多孤寡水星干  
犯春旱秋水五穀不成其分政急多水灾守亦為  
水萬物不成若角動色青臣欺君國有兵喪客星  
守其分兵疫犯之糴貴守犯又為哭泣事出則使  
人之諸侯其分有喪入則井田之法改制之事軍亂  
離散又日出入君自將兵凌犯環繞勾己國憂兵亂  
彗字出犯為兵喪亦占其分彗字所指其地必亡流星出之  
貴人求醫重臣出使人則其下兵聚又日出入之占於相  
光潤則受賜黑死黥氣之入蒼白哭亦則大哭黃蒼喜慶白則

弊客來黑則水憂白乃喜祀宗廟出之為享祀

危宿距南星去極九十六度星動不明營宮室土功兵革  
興月干犯大臣及其分有憂將死興治樓臺又為兵  
喪來年米貴在其宿有變將相有哭泣死喪墳墓有  
動衆之事木星干犯守之更宮室又為土功興又為兵  
喪又守則民勞多盜民相惡火星犯之越分土亡地守則  
國憂兵叛疾疫宮中火灾春旱秋澇又守近臣叛犯守皆  
為大赦土星犯守皇后憂兵喪並起土木工興又守為水旱  
民疫祠祝不恭金星干犯無兵兵罷穀有兵兵罷國不成  
多火灾守則旱災民多癰疽之疾將軍憂又日犯守之



天下多急事兵起事國憂兵加齊國水星犯守大臣戮冢  
宰法官憂其分灾又守曰皇后有疾糴貴兵喪並起客星  
出犯之多雨穀不登乃哭泣土工興營宮室王侯死國敗  
饑荒若留守成勾己君惡之又云建宮室立王侯彗守干  
犯其分有叛臣者兵起將出易政糴貴大水流星入其下  
不寧有下謀上抵則北交兵犯則有登祀事黃閨出入國  
安歲豐土工興黑陵廟有大臣灾氣之蒼白若赤皆為土  
功營造事白兵青憂蒼則憂損壞屋黑有喪赤氣出  
火灾黑有水或哭泣若黃而出入國有喜

室宿離宮室距南星去極八十度半星明而靜則國昌  
不明則禱祀不享動則兵出土功興室壁為四輔中有  
二舍二星也欵其中正而實實者其中多小星也四  
輔不正則輔臣不忠二舍不實宮女怨后宮怨月犯  
之宗廟毀軍相憂土工興有哭泣王自將兵其在宿有  
變臣亂臣在外木星干犯國有軍得地歸與民爵守  
之修宮室土工興兵滿野宮中有火灾民疫火星干犯兵  
戰歲不收守之水旱火疫宮不和或病死若久而成勾  
己大臣謀兵起入室勾己環繞天子出幸土星干犯其  
下有兵出入用鉞斧貴人憂守之有爵封益地關梁不  
通土木功興后夫人有憂又守之大人惡之以赦除咎金星



干犯守五寸許政令不行守則兵罷國喜又大人忌之  
防察親近又守兵革滿野乘守勾已逆行往來宮妃  
廢或大喪宮人恣水星犯守掩閉其分水災又曰守則  
西北兵動深宜守備客星守之城郭外不利先起君使  
人于諸侯赤言兵白喪黃土功青憂黑凶犯則王者憂  
之守之不利出軍多陰雨彗孛出之大亂易政大水干  
犯先起兵者弱戰必亡地將戮見其宿中后宮亂有德  
令流星干之軍乏糧出之有使出犯之有使自他邦來赤  
言兵黃土功白喪黑凶青憂其色潤澤出入國安歲  
豐民欲有宴享慶賀之事氣之入兵起雜雲氣在

其宿中民暴疾雲潤澤如日月男子之祥離宮西北二  
星距第二星去極六十三度八十八分危十度二十分西  
二星距第一星去極六十九度六十分入危十一度八十分  
東二星距第一星去極七十度五十分入室四度星搖  
動土功與不具則君憂月宿之君敬移寢處火星干犯  
成勾已環繞皆為兵起客星出犯之為喪彗孛干犯宮  
室有修除事

東壁南星去極八十度半星明則王者吉國多君子暗  
及失色大小不同尚武事經術圖書廢動則有土功離  
徙就聚為田宅事月犯之大亂民饑多死其分憂及



土功在其宿有變孕婦多損近臣憂月宿之不晦慎而有風雨木星干犯水傷穀守則有赦國有賢人天下安又守凌犯勾己夷犯侵擾火星干犯則衛地憂不則凶守乃有兵火土功惡賢者退若守而光明潤澤則吉土星犯君安國昌圖書興天下豐平逆行勾己其分土功與金星干犯火災守之有軍不戰大臣嚮正水旱風雨文武術士並用犯守之其分兵喪奸臣有謀客星出之色赤其下大臣憂犯之文士死亦為喪津梁不通守則士死歲多風雨彗孛出犯其分兵起火災一云大水民流客星彗孛干犯文士死流星犯之同占或文章廢黃

白潤澤出入文章賢士用遠國來氣之入青憂蒼白喪星破亡皆占其分黑又為水黃則外國來貢又名侯公立一曰天子立廟赤出入皆為兵起若無潤澤天子言宗廟



靈臺秘苑卷之十二

西方七宿

奎宿

婁宿

胃宿

昴宿

畢宿

附耳附

觜宿

參宿

南方七宿

井宿

鬼宿

柳宿

星宿

張宿

翼宿

軫宿

奎宿距西南星去極七十七度明大則天下安奎小星  
明天下大水芒角動搖有赦國必用兵木守奎大飢天  
下以飢起兵有客軍王者憂多獄事木犯奎近為達一



曰有戒諸侯火留守奎動搖進退有赦天下大水民多死  
土入犯奎而守之有邊兵齊魯有兵金犯守奎外兵來責  
國水犯奎江河決臣謀客星出奎大水災中國亂兵大  
起流星犯奎其下有破軍殺將出奎溝瀆之事于國外  
彗孛出奎天下有大喪大水一食千錢近期一年遠三  
年國絕嗣魯地兵起蒼白雲起出奎有兵入奎婦人多  
災赤雲起入奎有兵入出之兵出有疾病黃雲氣出奎  
有出宮人不則后妃有黜者入奎天子納后妃人有貢  
珠玉珍寶者黑氣入有疾疫出之則禘除

婁宿距中星去極七十四度星明則郊祀得禮天子

多子孫臣子忠孝暗小則反是動搖則有聚衆之事  
木犯婁牛死苑空春米賤貴人多訟獄天子有曲赦木  
入婁國有喪有聚人期一年木守婁六畜貴其分尤甚  
天下有匿謀火守婁天下聚謀兵起人飢道路不通火  
入婁而守之有亡君死相一曰山林中有大盜火犯婁谷  
貴多水災宮苑內兵起土守婁禾稼傷兵起三年乃  
止陳卓曰有亡國土入婁國有兵十月小旱多霜土犯  
婁天子戒邊境不可遠出師金守婁有白衣之會更立  
王候有赦金入婁是謂子歸其母國有喜金犯婁有  
聚衆事一曰夏多水災有兵水守婁有兵兵罷無兵兵



起一曰多水災水犯婁刑罰急大臣下獄有誅者客星守  
婁天下分別民爲亂有火災人饑犯婁有大兵婁主苑  
牧給享祀入婁外夷兵起糴大貴流星入婁有聚衆之  
事于國內出婁聚衆之事于國外犯婁守倉庫者黜犯  
之人多死彗孛出婁有大兵民飢死倉庫空臣奪君政  
犯婁五穀不成倉廩虛六畜大疫青赤雲氣入婁兵疫  
出之則禱除白氣入婁人民受賊黃氣入貴人受賜黑  
氣入有白衣之會出婁紛紛如轉蓬大人食中毒大水  
且至胃宿距西南星去六十六度半星明則倉庫盈天  
下豈暗小天下未貴倉廩空上下失位動搖有轉諭  
之事木守胃民饑疾萬物不成有兵災犯胃谷不實其  
大水魚行人道出入留舍胃兵起十月有旱大人憂  
舍胃牛馬賤火守胃人多病谷大貴入胃天下有兵倉  
粟出有更令犯胃天下穀無實國以食為憂外國有暴  
兵入中國土守胃天下自將兵出其分國亡犯胃臣為亂  
多水災女主憂出入留舍胃客軍大敗天下有憂金守  
胃兵飢有流血萬物不成犯胃將軍為亂兵起四夷來  
侵入胃其分饑君憂一曰天下赦水守胃倉庫空虛  
水災谷貴兵起犯胃母子同光立侯王有急令人當之  
逆行守胃天下有兵有大水災客星守胃天下飢強臣



凌主入胃有白衣之會有奇令逆行入胃有赦天下飢犯  
胃五谷不成倉庫空王者憂流星出胃倉庫官有坐罪者  
有葆旅之事于國外入胃有葆旅之事于國外彗孛出胃  
大臣為亂天下兵起人飢流散行犯胃其國兵起人主惡  
之蒼白雲起出以入胃國以喪糴粟青黑氣出兵起  
入胃倉廩敗腐赤雲氣出以兵出粟黑氣黃白氣雲  
氣潤澤入胃大人入中國有出粟賑民之事

昴宿距西南星去極六十九度半星明則天下受誅  
罰不明則刑罰亂濫佞臣得志動則胡兵大起木  
守昴米貴人飢大旱萬物不成犯昴其出北胡王

死陰國出入留舍昴其年旱霜胡人以用兵火星守  
昴穀大貴政令苛擾民苦其誅天下愁怨犯昴若入之  
胡人聚中國凶奴大出四夷兵起國有憂土守昴女主  
失政勢天下民大貧又多疾病入昴地動水溢趙地有  
兵一曰廟壞土犯昴天下有喜中國吉陰國凶天子用  
兵于胡金犯守昴兵起大將死入昴天下擾兵大起有  
大兵大赦行疾期疾行遲期遲金盡見于昴邊兵大  
起水星犯昴夷狄兵起民受殃守昴兵破散民流亡大  
水決溢傷五穀入昴戎狄為患邊兵大起客星守昴中  
國亂臣蔽主德犯昴乘胡兵敗趙國不利入昴有赦



有白衣之會于國內流星入昴貴人有囚繫者胡兵起  
胡王死出昴兵衆滿野一曰邊兵發有赦彗字出昴  
有赦邦有喪大邦起兵臣強主弱犯昴大臣爲亂國  
兵大起蒼白雲氣入昴人疾疫多死妖言大起出則禡  
除黑氣入胡王死赤雲氣入有軍令天子自將民聚  
鼓下青黑出昴有兵有大水黃白雲氣潤澤入昴天子  
白衣會出昴白衣罷 畢宿距右股星去極七十四度

星明則天下和同遠夷來貢暗小則邊境亂國不寧動搖  
則邊將急木守畢邊兵起外國謀反近臣爲佞一曰其  
分饑有赦木守畢邊兵起外國謀反稱王臣謀反近臣  
爲佞其分飢萬物不成木入畢邊兵起將相憂大臣  
災木犯畢中國有亂犯附耳兵起將相憂不則免退火守  
畢其分飢有德令胡王死邊地大驚守畢昴卯之間天  
下道路不通犯畢有邊兵有略獵之事刑罰用犯附  
耳邊兵大起將相死若出貶者土守畢王侯備廢久  
守之兵起有赦天子政令不行人君受制入畢中地震水  
溢大人當之其國易主中犯畢人君謀兵起西北不戰  
有赦犯附耳兵起將相有出者金守畢兵起大臣出使  
大將有功金入畢中國危大人當之有女喪將相憂  
大人惡之金犯畢出其北陰國憂犯畢宿左右大星大將



戰死左爲左將軍右爲右將軍金犯附耳國有讒臣則  
主側水守畢有水災萬物不成民多病死野人爲亂犯  
畢邊兵起入畢有兵國易政犯附耳兵起將相憂客星  
犯畢人民流亡不返其鄉大臣憂入畢邊兵亂天下有  
赦一曰以戈獵惑人主者犯附耳邊兵大臣流星出畢  
先起者兵敗其分君憂有逐相入畢中而復出星小赦  
小赦赦大彗孛行犯畢胡人爲寇野外流血掃畢邊兵  
大戰積尸千里彗出附耳郡臣反蒼白雲氣入畢歲不  
收出則袖除赤雲氣入畢兵起有火災大畢黃白氣入  
其歲善出則授民田赤氣出畢將軍兵出黑氣入相

### 亂政將死

觜宿距西南去極八十三度星明則天下安五谷熟不  
明不可出師動搖天下盜賊群行木星守觜人饑五谷  
傷米貴犯觜有白衣之會入觜五谷忽貴忽賤歲一旱  
一水大守觜一物不生天下亂將軍反火犯觜其分兵  
飢天下動搖入觜其下有兵天子自將兵土守觜其野  
亡地水災萬物不成民去其國不居其室入觜其國兵  
起天子不安其宮國有土功金守觜天下安寧其分守  
臣判人疫死犯觜大臣爲亂斧鉞用入觜有兵大臣爲  
亂大人當之國易政水入觜子歸其母也君臣和同犯



觜不可動衆行師其國有水災火饑客星犯觜其國  
亡守觜下臣謀君有水災人多餓死入觜青有憂赤  
有兵喪黃白吉黑為水災流星入觜中有叛臣大兵聚犯觜  
國兵敗天子欲行斬殺事彗孛出觜粟大貴大臣出戰  
彗孛犯觜國兵起有破軍蒼白雲氣入觜天子有祿旒  
之事出則禡除赤氣入觜兵起黃白氣入觜有神寶入  
一曰有負寶玉來獻天子者黑氣入觜大人憂邊將死  
趙地有災出之則禡除

參宿距西南星去極九十二度半星明則天下兵精  
暗小則將弱動搖則邊侯有急無光則國欲改君木  
星守觜歲大疫王者有疾人民流散改立國君犯參水旱  
不時有兵喪入參天下有兵火守參外兵入四方不安有赦犯  
參大將反王者轉徙宮室兵火相連入犯參兵起于野將軍戰  
死土守參有邊兵天下有大喪土犯參國有反者姦臣謀上金  
守參大臣為亂有反兵牛馬有急行犯參天下兵起有亂臣入  
參外兵起名將死民流亡水守參國易政更法令大戰有水災  
五谷成犯參貴臣出國有大水入參起兵拔城先起兵者亡後  
起兵者昌客星守參兵敗有兵臣執主令歲飢入參邊有兵  
圍城城壞谷貴諸侯國當之流星入之參兵起國亂五谷熟色  
青黑不出期年兵起流星出參兵大出有衡石之事于國外流星



犯參邊兵大起春夏犯名將死秋冬犯猛將用流星犯玉井天下流血成川彗孛出參伐大臣反兵蔽地天子弓弩恒張皇后憂鈇鉞用犯參伐邊兵大散蒼白雲氣入參為臣亂蒼白氣出參天子自將兵巡邊天雲氣入參內兵起將軍為亂黑氣入參大水將軍死黑氣出參將軍憂有水災白氣入參天下用兵天子有陰病黃白氣入參大將受賜黃氣出伐將軍戰勝

井宿距北星去極六十九度星明則法度正號令明大盛則多風雨有大水暗小則國弱政亂動搖則諸侯帝戚有廢戮木星守井法令急多獄事守井環繞勾己之有赦木入井有軍在外木星進則兵退星退則兵進木犯井大水人飢天下改令木中

犯乘守井鈇鉞用大臣誅近臣為亂兵起守井貴臣相戮宮中憂萬物不成入井其國亂大臣當之其國大凶米貴民多死火犯井斧鉞用大臣誅兵起臣謀主執法者死土守井大旱五谷不成金犯井主浮船將軍惡之入井國失政急民流守井南北東西男不得耕女不得織金犯守井鈇斧鉞用大臣誅水入井天下水災蠻夷君有死者犯井馬貴有反臣守之井鈇斧鉞用大臣誅谷不成客星入井水旱為災外邦有使來見失物者犯井有土工小兒妖言兵起國亂出井宮中火起有旱虫生病犯井鈇有丘將軍在外所禽士卒多傷死以星所居及其南北之日辰占之國流星入井水與成天文論曰有使從外來言水



兵事其分民多死犯井大臣誅其國有兵彗孛出井有好臣有  
在君者其國大水兵起軍在外有占犯井其國用兵大臣誅宮  
中有亂秦地兵起青雲氣出井大如井口而行入河中大水沒  
城郭蒼白氣出井有水令入井民大沒黑氣入井民疾病多死喪  
黃氣出井天子以澤泉之利養民赤氣入井有兵一曰水賊起  
鬼宿距西南星去極七十二度半星明則五谷成暗則民散動  
搖則後煩賦其殃君死國亡木守鬼天子賜諸侯金玉錢帛石  
氏曰人主有祭祀事木入鬼相出或敗死犯鬼谷傷人飢火犯  
鬼女主失執國有喪大臣誅執法者戮入鬼犯天尸天下兵起  
大戰流血土犯井人君必有所戮其分有喪人主惡之土入鬼  
有兵大臣有誅者天下大疫守鬼大臣憂宗廟改天下旱物不  
成入鬼守之天尸兵起將軍憂國有喪水守鬼五谷不登兵起  
入鬼貴臣憂執法者誅行有水災守鬼大水蝗虫起客星出鬼  
其國有喪入鬼多死喪人相食斧越用大臣誅流星入鬼國有  
宗廟祠祀之事外邦來貢出鬼大兵有大疫犯鬼國內亂天  
下兵行有大喪鬼氣入鬼大人皇后皆有喜白氣入鬼人疾病赤  
雲氣入鬼有大旱黃氣入鬼有土工事

柳宿距西星去極八十五度星明則大臣鎮星重人豐酒食王  
者安暗則王者失政宮中不安動搖則大人以酒死木星守柳  
天下歡娛五谷豐熟木入柳諸侯有慶百姓康寧犯柳多水災



谷不成火星守柳王侯不寧中外有兵犯柳有木工事多木多  
伐入柳大人禦守諸侯有慶賀事土守柳君臣和同天下大喜  
入柳亦如之犯柳其國旱有火災土工興金守柳大將出戰勝  
有喜國益地犯柳有木工事名木伐入柳兵起有得地者水守  
柳歲不收王者賜客若國有貴客人主慎飲食防毒藥犯柳  
馬貴入柳以水起兵客星犯柳周地有災入柳兵大起天下大恐  
布帛綿絮貴流星出柳天子惡之周地有憂名木有出者天子  
有宗廟事入柳名木有來者彗孛出柳臣為匿兵起大旱金貴  
犯柳大臣兵起國誅赤雲氣入柳有火災出柳大旱黃雲氣入  
柳有赤白氣出柳國有憂兵出蒼白氣出柳有憂

星宿距中去極九十九度星明則黃道行人主昌暗則賢良  
不用天下空虛木星守星天下安王道昌五谷熟木星入五谷  
皆傷天下盜起木逆行犯星匿臣為亂火星臣為亂民若徭役  
津梁不通入星有君置太子者天子有傷客事犯守之人主憂  
大臣有誅者土守星天下安王道行土出入留舍星五谷大貴  
金犯星有急兵有死君王國犯星臣作亂兵大起水犯星有反  
臣中外有兵水入星有君太子者客星出星君以急事遣使以  
色占其吉凶犯星國有大兵入星有奇令色赤宮中憂火流  
星出星金帛出入星內庫官有喜犯星國有兵彗孛出星國有  
判臣犯星大臣相疑蒼白雲氣入星大人憂蒼白雲氣出天子



有急事出黃白氣出潤澤遠人首黑氣入賢人多死出之禰除

張宿距西星去極一百四度星明則人主昌暗則天子多疾病水  
星守張人多疾疫入張歲豐天子慶賀事犯張政令急大守張  
人疾疫天下有歸兵國治宗廟封功臣入張大亂兵起土守張  
天下大通不用關梁天下和平宮中有喜土張兵起梁宋  
之間有凶金犯張國易政多水災太出入留張兵起于其國  
水守張天下大水人多病死入張為水入火為逆理客星守張天  
下飢國更主張天子以酒為憂流星入張諸侯有來貢者天下  
更令彗孛出張天下大亂犯張天下民半死蒼白雲氣入張庭中  
觴客星有憂變出之禰除赤雲氣出入張天子用兵賜物黑

氣入張其國分有水災黃氣潤澤入張天子因喜賜客

翼宿距西星去極一百七度星明則禮樂興天下平暗則帝王  
失禮動搖則有蠻夷之使來木星守翼賢人進用王道大興入  
翼五谷風傷犯之人流亡火守翼大旱萬物不成大入翼民飢  
無食犯翼兵大起土守翼天下和平禮樂大興金守翼萬物不  
成人流亡入翼天下兵塞犯翼四夷兵起水守翼魚鹽貴入翼  
中兵大起客星犯翼國有兵大臣憂守翼君弱臣強將軍交流  
星犯翼國用大兵大臣憂出翼有兵出滿國受賜彗孛出張其  
國以水飢人流亡犯翼有兵人主出降赤雲氣出有兵黃氣潤  
澤入翼諸侯來貢物黑氣入翼大人憂兵起軫宿距中星去極



一百陸度星明兵大起暗則諸侯有憂動搖則兵車動木星守  
軫國有病及喪入軫中天下多死喪天文論其將死犯軫民多  
病火災火守軫將軍憂天子伐位入軫兵大起楚君死犯軫大臣  
戮死土守軫土工與有白衣會入軫中兵大起國憂犯軫多死  
喪人主惡之金守軫將軍為亂車騎大發入軫兵大起國易  
政士卒遠征水守軫水傷五谷天下大疫貴人多死入軫兵大  
起客兵出軫軫車出天子使人以車賜諸侯客星入軫輕車入  
諸侯有使來以車為弊犯軫馬貴邊兵起入軫犯長沙天下無  
處士流星犯軫兵起庫藏空入軫其國兵起有喪彗孛出軫天  
子崩宮闕兵滿犯軫天下兵起有喪蒼白雲氣入軫王者行幸  
不可出之則禍除赤氣出軫將出白氣入有大喪黑氣入大  
人憂黃白氣入諸侯入貢以車為弊



靈臺秘苑卷之十三

東方中外官

北方夕外官

平道二星主道路平道之官也武密曰天子八達之衢  
主誅道墮輒式路也天田二星幾內之田亦為籍田主  
疆界躬耕之田也周鼎三星主流亡亦主壺罇酒器鼎  
國之神器也秦無道周鼎論於泗水其精上而為之攝  
提左右各三星主建節伺機祥天官書曰攝提者直斗  
杓所指以建時故曰攝提格主九卿天門二星主朝聘  
待客之所也平星二星主執法平刑以典獄事占曰有  
理卿位正紀綱平獄訟也庫樓二十九星為天庫藏兵



之所也陽門二星主執法兵器以戍邊武密曰主遠戍  
邊境險隘之處南門二星天子之外門也主守兵禁亢  
池六星主舟楫津渡之事大角一星天之紀綱棟梁天  
王座也一日棟星帝席三星主宴樂酬獻之所梗河三  
星名天鋒又曰天楯及胡兵也玄戈一星主夷狄胡兵  
馬車也折威七星主斬殺以斷軍獄之事也頓頑二星  
主考察囚情治獄之官也天乳一星主飴體之事也陣  
車三星主兵革之車也騎官二十七星主宿衛之騎士也  
又曰主守衛王者騎陣將軍主統軍騎將也車騎三星  
主部陣行列車騎之士也一云總車騎將主之天輻二星  
主鑿駕乘輿之事貫索九星一曰連營一曰天牢賤人  
之牢也鍵閉一星主管鑰開閉之事七公七星主議政  
化執刑法以別善惡三公之象天相也西咸四星以防  
淫泆房之戶也一曰掌鈎鈐以守帝心日一星所以照  
明令德太陽之精也積卒十二星主掃除不祥五營軍  
卒衛士之象從官二星主醫巫疾病禱祝之事也罰星  
三星主罰金之事也書云所謂金作贖刑也東咸四星  
占與西咸同天紀九星主理冤訟為萬物之紀綱九卿  
之相天江四星主太陰也女牀三星主御女侍從也傳  
說一星主巫祝之官也主祝神靈而祈繼嗣魚一星主



雲雨風氣一云狀如雲主陰故星讚曰漢中魚星如雲  
行龜五星主贊神明定吉凶也天籥八星主開閉闕鑰  
邊防道路之事農夫人一星為老農主稼穡農正之官  
也糠一星主播糠批以給豢養杵三星主舂以給  
庖厨也

北方中外官

河鼓三星天鼓也主軍鼓鈇鉞一曰武三中央大三星  
為大將軍左星為左將軍右星為右將軍皆守險而  
拒難也左右二旗各九星皆天之旗為旌表主昔聲設險以知敵謀  
建星六星一名天旗天七都關也為旗事為天鼓為天馬南三星為天

庫中二星市也鈇鑽也上二星為旗其間三光之道也  
織女三星天女也主瓜果絲帛珍寶漸臺四星臨水之  
臺也主晷漏律呂吹灰之事一云四高曰臺下有輦道  
五星人主嬉遊之道也天弁九星市官之長也奚仲四  
星主車正也天淵十星別名曰三天象天海太陰主灌  
溉溝渠之事天雞二星伺候察時節狗二星主守禦也  
狗國四星主三締鮮卑鳥桓獫狁之屬也鼈龜十四星主  
水族魚虫之物也天桴四星主漏刻桴鼓之事也天津  
九星一曰天津一曰天江主四瀆津梁所以度百神通  
四方也武密曰橫河中津梁之所度也離珠五星后



宮之府藏天子旒珠后妃環珮之飾羅堰三星主猪畜  
灌溉之事亦為拒馬一主堤塘九坎九星主溝渠之事  
主水旱天田九星畿內之田也亦主農官瓠瓜五星天  
子之瓜園亦主瓜果之事又主後宮及陰謀敗瓜五星  
主瓜果之事十二諸國十六星周趙齊秦代鄭楚韓晉  
越各主其地一云各分土居列土之象也離瑜三星主  
袿衣王飾婦人之服也一曰昇見尊服哭二星主哭泣  
死喪之事司祿二星主增益年德官祿食料之事司危  
二星主橋佚以正下又主臺榭死喪也司危二星主執  
刑罰又主生筭死喪之事司非二星主司過者人星  
五星一曰三卧星萬民亦主巡夜防淫泆也武密曰如  
人邢主安寧車府七星主輿之府亦其官也又為客館  
壘壁陣十二星天軍營也是羽林軍之垣壘天壘城十  
三星主鬼方北夷也所以後存敗白四星主敗亡也災咎  
土公吏二星主設備司過土之官也杵三星主春軍糧  
供厨也白四星亦主春軍糧也造父五星主御馬亦其  
官也騰蛇二十二星主北方水蟲亦主風雨也蓋屋二  
星主治屋之官也一云所居宮室之官也虛糧四星主  
陵廟禱祠之事天網一星主武帳弋網之事泣二星主  
墳墓倚廬哭泣之事天錢十星主錢帛所聚軍之



府藏也北落師門一星主候兵天之軍蕃落也古長  
安北門曰北落師門也雷電六星主興雷電也霹靂五  
星主陽氣太盛繫碎萬物也雲雨四星主雨澤也羽林  
軍四十五星主天軍翊衛之象也鈇鉞三星主行誅拒難  
斬伐奸謀王良五星御車之官也主駕車又主天橋主  
津梁又主風雨急兵之事天廐十星主馬廐之事若今  
之驛遞也土公二星主造營及稼穡起土之官也

靈臺秘苑卷之十三終

靈臺秘苑卷之十四

西方中外官

南方中外官

附路一星閣道之便也天溷七星主養豢之所一曰  
貯番穢外屏七星主障蔽晁穢所以遮擁天溷也天倉  
六星主藏五穀以邦用主倉廩官也土司空一星主水  
土功利之官也一云主功原丘鈇鑕五星乃芟刈之具  
斬芻芻而以秣馬也一云斬芻芻飼馬也左更五星主  
仁智陂波林芻芻而為山虞之官右更五星主禮義牧養  
為牧師之官也軍南一星主禁出入以防盜詐軍營之南  
門也天大將軍十一星主用武兵官也中央大星為大將軍外小



為吏士左右星為旗天廩四星御廩也主畜五穀養犧  
牲以供祭祀飲膳之事天庾三星主積穀之所也天陰  
五星主陰私潛謀之事從天子弋獵臣也一云主預密謀  
大陵八星主陵墓死喪積京也積尸一星陵中之墓  
也一名積京主死喪天阿一星類天高生察候山林祆  
變積水一星主候水災也天舡九星主舟楫水旱之事  
芻藁六星又名天積主積芻藁以供馬牛之用天囷十  
三星主給御廩之糶盛五穀之儲蓄也天苑十六星主  
養禽獸之所宜其官也天園十二星園囿也亦掌蔬  
茹之官也月星一星太陰蟾蜍也女后大臣之象主刑

及死喪天街二星主保道路天之街為國界陰陽之  
所分三光之正位道街南為華夏街北為夷狄礪石  
四星主磨礪鋒刃礪百工也亦主伺候明兵律也卷  
舌六星主言語樞機之事諛佞之臣也天節八星主  
持節奉使也參旗九星天子之兵旗也所以尊君之  
進退也天高四星主望八方雲氣觀臺之象也諸王  
六星主宗廟所以蕃屏王室審察諸侯存亡五車五  
星天子車舍五帝座也主五兵五稼以候耗天橫五  
星又曰五潢天池也主河梁津渡之事咸池三星魚  
圍也主陂澤池沼魚鼈鳥鴈之吉九州殊口九星主



遠方通俗傳譯之官也九游九星一曰天旗天弓也  
司弓弩張變之候以戒不虞玉井四星主水泉給厨  
用也軍井四星軍營之井以給師徒也晉東宋達不言  
名取以也屏星二星所以障擁天厠也天矢一星主糞  
穢天厠四星主圍逐疾病之事子孫二星孝愛丈人  
者孫二星如子占曰子與孫侍丈人之側相扶而居丈人  
二星主壽考而哀孤窮也座旗九星主旌表尊卑也司恠  
四星主話變而候祥異也水府星四星隄防溝洫之事也

南方中外官

四瀆四星主江河淮之精也水位星主水衡積水

一星水官也所以供給酒食之正也積薪一星主外厨  
烹飪之事也南北二河各三星與北河為兩界南河戒  
也一曰陽門一曰越門兩戒之間得山河分陝之限亦  
為天街北河為北戒亦曰高門又曰胡門為陰戶以為  
北紀為陰國主征伐之政也闕立天二星兩觀也所以  
布象魏尊卑也燿四星主四時變及烽燧司火之官也  
天鐔三星器也主盛饘粥以給貧餒五諸侯五星一曰  
帝師二曰帝夫三曰三公四曰博士五曰太使為帝決  
獄斷疑戒不虞孤矢九星天弓也外一星矢也常屬矢  
以向狼主陰謀備盜也軍市十三星主天軍貨易之



市也野雞一星主知變恠野外之郊政以虞伏奸也天  
狗七星主守禦吹則大皆應之狼一星為野將主盜賊  
侵掠天社六星土地之主社神也勾龍之精又主禱祝  
之官老人一星主壽考常以二分候之春分夕見於丁  
秋分晨見於丙三合六星上台中台下台兩兩而居處  
文昌抵列大微一星曰天柱三公之位主宣符開德也  
上台為司命主壽次二星曰中台為司中主宗室東二  
星曰下台為司祿所以照得塞違三台為天階天稷五  
星稷之神也又為農正天記一星主禽獸盜歲也酒旗  
五星主享宴酒食之事亦為酒管之旗天相三星大  
臣之象亦為御府也天廟十四星主祭祀天子祖廟也軒  
轅十七星一曰東陵一曰權星主雷雨之神又為黃帝之神黃  
龍之体後宮之象后妃之宮庭立內政以弼大微軒轅為權  
太微為衡南宮朱雀權衡也長垣四星主邊界域邑少微四  
星為處士大夫亦女后之象及大史博士之官也一曰主衛  
掖門南第一星處事次議士次博士次大夫占曰以賓賢才  
而弼南宮之化師保之官也故師以詔王微保以諫君惡內  
平四星主執法平罪之官也大尊一星貴戚聖公之象東啟  
五星主南越蠻夷之星也軍門二星天子軍門也明堂三星  
布政之宮也靈臺三星觀臺也以察妖祥占曰仰觀候變而



為人備土司空四星又曰土司徒主界域人民之事一云九  
域地界風土所宜器府三十二星主樂器之府也長沙一星  
輔相之臣也主壽命軫主死喪知禍害故設長沙以延期青  
丘七星主南方蠻夷之國也進賢一星主鄉相舉賢也

靈臺秘苑卷之十四終

靈臺秘苑卷之十五

瑞星

妖星

雜妖

客星

流星總叙

星隕晝見

星隕如雨

常星

虹不歲

瑞星總叙

瑞星亦客星也五行冲和五相喜合之所生也必出於有道  
之國周伯星晉志以為祥隋志以為妖未知其旨今仍存  
之歸邪入瑞氣之則星非氣也故從以入此

瑞星占

瑞星一曰景星狀如半月生于晦朔助月為明亦曰德星大



而中空或曰有三星在赤方氣與青方氣連有黃星在赤方氣中王者德至于則見

二曰周伯煌煌然所見之國大昌

三曰含譽光曜似彗喜則含譽射必有外國來朝者

四曰格澤如火火下大上銳色黃白起地而上見則不種而獲下有土工必有大客

五曰歸邪如星非星如雲非

雲或曰星有两赤彗上向有蓋下連星見則必歸國者李淳風曰景星生于晦朔出於西北天門之上或入日二三日或出月二十七八九日狀如星而中空如魚星而不明或青赤白三氣聚如星如半月狀出而不行必有四時王相日見周

伯大而白色如太白光瑩如月照地明或有芒角煌煌然不行或如水星而赤色光潤或黃如玦背出而不行含譽似有尾而長不亦不甚有光而明不急格澤如火火上黃下白以地而上行如楯竿狀如天狗潤澤而明見則有大客客者外國之貴使來歸者也

### 妖星總叙

妖星者五行之變氣各見其方以為殃各以其出之日占之何國其出也必于無道之邦為兵為風為水為旱為疫為喪為亂為賊各以五色占之其為又曰凡妖星之出形狀不同為殃如一其如也不過一年若三年必有破國屠城其君死



天下亂兵起出亂行積尸之事流血之事餘殃不盡以為水旱風疫之災又曰凡妖星長大者其災而期遠短小者其災小而期近三尺至五尺期百日五尺至一丈期一年一丈至三丈期三年三丈至五丈期五年五丈至十丈期七年十丈以上期九年此其大約也審而察之其應不虛矣

### 妖星占

一曰彗星亦謂掃星本類星而未銳彗小者數尺寸長或竟天見則兵起大小除白布新彗有五色各以本精所主天文志曰彗體無光附日而為光故夕見則東方東指晨見則西指在彗星短者為風喪長者為兵亂彗有行者有止者行者

事小止者事大各有其邦以直事國分占之

漢景房曰著風角書有集星章所載妖星比日見之月旁有五色方雲以五寅日見各以五星所主張衡曰五星之精流為妖星二十一名又有老子四星反周伯王蓬絮等其見無期其行無度錯乎五緯之間見則各以其野而占吉凶

### 妖星占

妖星一曰雜妖一曰彗星所謂掃星本類星末類彗小者三四寸長者或竟天則兵起大除白布新有五色各依五行本精所生暗彗本無光附日而為光故夕見則



東指晨見西指在月南北皆隨日光而指頻挫其芒或長或短芒燄所及則為災害凡彗星所以除白布新得其柄者輿得其首者亡彗星所指亡國失地兩軍相當執本者勝二曰孛孛者彗之屬也芒氣四出孛偏指如帚曰孛者勃也孛孛然非常惡氣之所生也內不有大亂則外有大兵天下有謀闇閉不明有所傷害晏子曰君若不政孛星將出彗星何懼乎由是言之災尤甚於彗矣

### 客星總叙

客星者非常之星天皇大帝之使以告咎罰者也其出也無恒時其居也無定所忽見忽沒或行或止不可推算寓於星辰之間如客故謂之客星為善為惡或所主不同觀其所出之日所出之日所寓之舍以占何國視其五色以占何祥大抵星大者事大星小者事小守日多者事久禍深守日少事亟而禍淺行速者應速而遲者應遲其色青為憂赤則為旱為兵為火白為喪黑則為水為病黃則為土功亦為有喜芒角則為兵戰經曰客星入列宿中外官者各以所出部舍官名為其事近之者為之所謀以所守之日為期以五氣相賊為其事云



客星占

客星一曰周伯大而色黃煌煌然所見之國兵起若有喪天下大風衆庶流亡人去其鄉二曰老子明大而色潤白淳淳然所出之國為善為惡為喜為怒則兵起主憂宜以赦除咎三曰王蓬絮狀如粉絮色白拂拂然見則兵起有白衣之會其國風以亡一曰王蓬絮色青熒熒然所見之國風雨不節焦旱不生五穀不成蝗虫生四曰國皇大而色黃白望之有芒角則兵起國多變若有水風衆庶多疾人主惡之五曰温星色白而大狀如風動搖恒出四隅出東南天下有兵將軍出野出東北方當有千里暴兵來出西南其國有喪兵起火水人流出西北暴骸三千里又曰温星出東南大將屈服不能發出西北東北同占隋志所載五客星其國皇星與妖星周皇星名同而狀異周伯星與瑞星周伯星名狀皆同而占異今並存之東南方有三星出而色白名曰盜星見則多盜賊西南方有三大星出氣各長三丈名曰種陵見則天下兵起隕雪不時谷貴十倍東北方有三大星出氣各長三丈名曰女帛見則天下有大喪西北方有三大星出名曰天狗見則天下人相食



流星總叙

流星者天皇之使五行之散精也自上而降曰流星自下而昇曰飛星大者曰奔皆流星也星大則其事大星小則其事小大者災深小者禍淺有聲隆隆者怒之象也行疾者期疾行遲者期遲大而無光者衆之事小而光者貴人之事大而光者其人貴且衆也出則內使出入則外使入也前小後大者喜也前大後小者恐憂也蛇行者姦事也往疾者往而不返也長者其事久短者其事疾也乍明乍滅賊成賊敗也小而當者庶民也甚大者貴人也又曰絕跡而去曰奔光跡連曰流有所干犯

流血不出三年

流星大如缶若甕行絕跡色如烟

烟火墜下有喜

流星前如盤缶後皎然白欲入

時施施如散金其所入宿受福期一年遠三年

大流星有音如雷望之如火光所至之地有大戰破

軍殺將一日見四方相射

流星落落如遺火有光其

下有戰 流星色赤後圓如車輪所之國有心其將有

外心 流星色黃其後如一疋有諫所之國有喜益

地期一百八十日若一年

流星甚大色青赤照地四旁

若有赤光所至之地五谷不成人流

流星夕見前赤後

白者大臣欲謀國陰發使也視其所指至若其所通之國



流星夕墜光曜天下照垣牆皆明者所墜分野有大兵起一曰有霸王其所下有流血其分大疫 流星入早入角散者帝王發大使宣諭尉四方一曰八道賊起欲散他邑一曰有卿相欲走之外 流星大如缶若甕中天洩尾者名曰大奸下有流星大臣起謀百姓怨吟天下大亂

星隕書見占

星隕者經星也三垣二十八舍內外官之有名者是也星非一星故槩言之隕星晝見兵喪俱作甘氏曰是謂女主不出三年大水洋洋女子為王一曰臣有奸心主不掩滅則為誅罰之象宜以五色占之

流星占

流星尾長二三丈暉暉然有光竟天其色白者人主使也色赤者將軍使也視星所之知使所之 流星色黃白

有光 而天下有音如炬火下地也雉盡鳴天保所墜國安有喜 流星色青赤 天墜地其名曰地鴈所墜地兵

起 流星色青赤亦有光長二三丈 軍上起軍中之精華也其名曰天鴈其國起兵將軍星所之 流星大如月暉

暉然有光白色長竟天者人主之星也上相將兵所之 流星大如缶其光赤黑有喙名曰梁星其所墜之鄉有兵



君失地 流星大如走若甕後皎然白前卑後高搖頭乍上  
乍下名曰降石所下民食不足 流星大如走若甕前卑

後高皎然白名曰頓頓其所主之者多死亡削邑而不戰  
流星大如走若甕後皎然白星滅後白曲環如車輪名曰解  
御長 自相齧食其國人相斬爵祿 飛星大如

走若甕後皎然自長數丈星滅後白化為雲流下名曰  
天滑所下有流血積骨 飛星大如走若甕後皎然

白縵縵然長可十餘丈而狀委曲名曰天刑一曰天篩  
見則將軍均封疆 流星色青赤墜下有聲

群鳥驚鳴野雉盡雥有光照人其下有大戰積尸

明天下縱橫而不可制一曰妃后大臣專制諸侯列土稱

王 星晝見與日爭光天下有爭帝 星晝見虹蜺縱橫

臣奪主明北斗晝見君臣絕嗣天下更紀人民不安

### 隕星總叙

星隕者自上墜也凡附麗天猶廢于王者也王者失道  
紀綱廢缺下將叛去故星畔天而隕以見其象大星隕  
下陽失其位災害之萌也凡星所墜其國易政又曰當  
其下有戰場天下亂期三年又曰奔星所墜其下有兵  
所墜滅家邦衆星所墜而渤海決周山星隕如雨天  
子微諸侯力政五伯伐興更為血主衆暴寡大併小帝



王之政德尤此壞滅故隕星之灾比之流星尤為甚也

星隕占

星隕如雨民去其上也其占為王者失勢天下易政

星隕為石其國兵敗軍憂一日所墜有大兵流血 星隕

為鳥獸其下有兵 星隕為蜚其國將亡 星隕

為金鐵有大兵 星隕為土有大水一日大飢兵起

星墜為水其地兵飢 星墜為草木有兵其國亡

星墜為水而言吉凶如其言 星墜如龍其國有大喪

星墜為砂石兵起一日大飢 星墜為肉天下大

飢國亡 星春墜武臣破害其歲不登夏墜大兵起

國易政 秋墜大水兵起 冬墜其國亡 星晝墜

其下有兵覆師喪 奔星所墜其地有破軍殺軍

常星不見占

常星不見天子失馭諸侯亂紀大權下移天下改政

之事常星動搖天星尽動天下民勞星聞于天天下

大亂星變色天星尽赤而無光主失勢國有大喪故

曰星無光有死王天下無雲則用此占常星不見君政

崩亡庶民勞後也

常星晝見占

常星者與客星俱出莫別其何是也故但以其晝見



為異一星晝見天子失道一曰臣逐君君失國亡世二星晝見皇后憂兵亡一曰有衣間詐在宮中國內兵起三年臣殺君一曰二邦相攻天下流亡三星晝見不出三十日兵起天子失國公卿大夫皆沒于夷狄一曰有三人爭地四星晝見四方兵來伐主主出走天下亂一曰王侯為近親所殺五星晝見君不君臣不臣父不父子不子夷狄為天下主

虹不藏占

虹蜺者陰陽之交氣也陰陽之氣和則為雨露怒則為雷霆淫則為虹蜺者攻也陽攻陰也蜺者齧也害氣傷害於物如有所齧也一曰填星之精散為虹蜺者斗之亂精斗失其度則生之雉曰虹雌曰蜺多在日月之衝雙出色鮮明者為虹暗則為蜺蔡邕曰見於日衝曲而青虹者曰虹見于日旁白而直者蜺虹蜺主內淫主滅心不正之氣也



Large stylized watermark or seal, possibly reading '圖書' (Library/Book).

Small square seal impression, likely a library or collector's mark.



程